

Iedere dag BBBeter

**Van Vertrouwenscrisis
naar Noaberstaat**



Samenvatting

Verkiezingsprogramma

2023-2027



Iedere dag BBBeter



Speerpunten Verkiezingsprogramma BBB

WEUNIENGBOUW

- 🏠** Iedere burger een thuis

IMMIGRATIE & ASIEL

- 🏠** Asiel en migratie, eêrlijk en draegbaer

ERMOEDEBESTRIJDIENG

- 🏠** Werke mò loane, voe iedereên
- 🏠** A werke ie git, zurge me voe je
- 🏠** Goed fesoen, goed pensioen

ECONOMIE

- 🏠** Groas op oanze bedrieven
- 🏠** Contant geld, overaol te besteden
- 🏠** Belastieng is prima, mè wè eêrlijk
- 🏠** Ok digitaal de mènes centraal

KLIMAAT

- 🏠** Wie a road stit, kan nie groen doe

GEZOND'EIDSZURG

- 🏠** Gin zurgen om joe zurg!

LANDBOUW & VISSERIJ

- 🏠** Voldoende eten uut eigen land

DEFENSIE

- 🏠** Midden in de wèrld, vol daadkracht

VEILIG'EID

- 🏠** Veilig'eid voe iedere wijk en durp
- 🏠** Criminaliteit mag nie loane

BETROUWBAERE OVERHEID

- 🏠** De overheid is t'r voe de burgers en nie andersom

Iedere dag BBBeter



Weuniengbouw

Iedere burger een thuis

Werk, verdienste, weune, les kriege, gezond'heid, je 'n eigen thuis voele, saemenhang en omgevieng bin aollemille even belangriek. Bouwe en weune is voe oans allemille een opgavee.

BBB stì voe de mènsen achter degene die a nì uzèn zoeken. Dirrom motte me aars omgae mie de uzèn die a me noe è en wille me eèl vee uzèn biebouwe, die a ok te betaelen bin. Minder controle en meêr flexibilitéit. Mè me motte wè oans verstand bluve gebruke. Me kunne as overheid nie allènig oplegge mè motte ok meugelijkheden geve en saemenwerke. Voe de productie van uzèn è je nie allène woniengcorporaties en gemeênten noadig, mè ok mènsen die a d'r geld in wille steke.

De Europese wetten geve de meugelijk'heid om bie eèl belangrieke openbaere zaken redenen an te wiezen om of te wieken van de milieuwetten, zòas stikstof zò da t'r toch vlog vergund kan worre. BBB wil dì gebruik van maeke voe het wigwerke van de tekorten an uzèn. De stikstofwet mò glad opnieuw bekeke worre en dan mò nie stikstof mè het behoud en het herstel van de natuur voorop stae. (zie hoofdstuk Landbouw)

BBB wil het bouwen van nieuwe uzèn wee aantrekkelijk en beter betaalbaar maeke. Me dienke d'r dan ok an om de regels voe nieuwe uzèn, zò as het bouwbesluit en de duurzaamheidseisen, de kommende jaeren nie te veranderen. Zò wete bouwers, ontwikkelaers èn kòpers wi a ze an toe bin. De bestaende uzèn wille me verduurzaamde deur (financiële) stimulering, mè gin drang of dwang.

Me bluve andrienge om zòvee meugelijk uzèn te bouwen op lege en beschikbaarere plekken binnen de bestaende durpen en steden. Om het gebrek an uzèn vadder op te lossen za t'r flienke efficiënter ebouwd motte worre. BBB wil z'n eigen inzette voe meêr onderzoek en uzèn die a in de fabriek ebouwd worre.

De leste jaeren is t'r vee naedruk eleid op bouwen in de steden. Ok a bluuf het bouwen in groate steden belangriek, het is nie eêrlijk om de mènsen op het platteland die a een uus zoeken nie te elpen. Vee jonge mènsen, wille ommes in d'r eigen durp bluve weune en aol die kleinere bouwprojecten voe durpen telle bie mekare ok flienke mee. Me wille het beleid dus litte werke voe steden èn durpen.

Ok de mart voe uzèn kan de druk nie mî an. Dirrom is 't ok noadig om de vraeg nì uzèn te bekieken. De druk vanuut statushouders die een uus toe'eweze kriege, arbeidsmigranten die a in de regeliere voorraad van uzèn motte weune en de vraeg van expats en buitenlandse studenten wor aol mè grotter. Dat verdukt are Nederlandse burgers, die a a jaeren op de wachtlieste stae. BBB kiest t'r voe om ulder extra aandacht te geven en de mart voe uzèn in evenwicht te briengen.

Iedere dag BBBeter



Immigratie & Asiel

Asiel en migratie, eêrlijk en draegbaer

BBB vin mènsenrechten eêl belangriek. Mènsen die a echt op de vlucht bin voe oorlogen, of wì a d'r leven of dat van d'r gezin gevaer lopt en die a dat ok kunne bewieze, motte eholpe worre. De asielcrisis is noe voe oanze saemenlenieng wè eêl belastend eworre en me motte di via een quotum pael en perk an stelle. Statushou'ers die a in Nederland een thuis evonden è elpe me mie een vlotte integratie in oanze saemenlevieng. BBB mikt dì werk van.

A decennialank wor eprobeerd de enorme instroôm onder controle te kriegene. Telkens mislukten dat. An de lôpende band worre d'r records ebroke en in Ter Apel sliepe de mènsen buten. In verschillende durpen van oans land wiere mènsen eterroriseerd deur overlastgevende veiligelanders. BBB zie dat aars. BBB wil de instroôm van asielzoekers drastisch beperke, de uzen wee eêrlijk verdêle en de asielprocedures an de butengrenzen van de EU litte verlôpe. Divoe zu me ard mie oanze vuuste op de taefel slae bie de EU.

Een Europese anmeldbalie voe de vraege om asiel voorkom mènsen'andel. De EU kan ok anmeldcentra in de regio inrichte, wì a asielzoekers terecht kunne. En wì a de procedure ok wor of'ehandeld, zòas bv. in Tanzania, Malawi, Namibië of Senegal. Noe trokke de asielzoekers nog deur de Sahara en bluve de mènshandelaeren d'r nog an verdiene.

Asiel is allêne meugelijk voe mènsen, die a op basis van gronden van de Conventie van Genève (vervolgieng politieke en religieuze redenen) in anmerkieng komme. Nie vanwege ermoe, ontheemdieng enz., wan divoe is de opvang in de regio nie bedoeld.

De demografische druk vanuut Afrika bluuf toeneme. De bevolkieng besti noe uut 1,2 miljard mènsen en verwacht wor in 2050 2,4 miljard en ruim 4 miljard in 2100. Dirrom mò t'r een Afrika-beleid komme! Onmisbaer is dì in de voedselzeker'eid. Dat kan allêne mè mie intensievere landbouw en veeteelt dan noe. Nigeria ei ruim 200 miljoen inweuners. Dat worre d'r 400 miljoen. Mie extensief geiten ouwe kom je d'r nie. Het vraegt om technologische intensievere anpak. Oans è divoe de kennis in uus om Afrika te elpen.

Oanze weuniengmart, de zurg en are voorzieningen kunne de druk nie mìn an. Me kunne d'r nie om ene om ok te kieken nì de vraegkant. De druk vanuut status'ouders die een uus kriege toe'eweze, arbeidsmigranten, die a in de reguliere weuniengvoorraed onder'ebrocht worre en ok de vraege van expats en buitenlandse studenten wor aolmè grotter. Dat verdrukt are Nederlandse burgers die a a jaeren op de wachtlieste stae. BBB kiest 'r voe om ulder noe extra aandacht te geven en de weuniengmart eêst wee in balans te briengen. Dat betêkent wè da me de migratiedruk wille beperke. Me beseffe wè da dat nie makke-lijk za weze.

Iedere dag BBBeter



Ermoedebestrijdieng

Werke mò loan opbrienge, voe iedereên A werke nie lukt, dan zurge me voe je Goed fesoen, goed pensioen

De enorme waerdevermindering van oans geld mie dibie ok de gestege kosten voe oans levensonder'oud en de sterk gestege priezen van energie zurge d'r voe da meêr dan een miljoen burgers onder de grens van ermoe terecht ekomme bin. BBB sti voe koôpkrachtbeschermieng en ermoebestrijdieng; me laete gin mènes achter. De belastingen worre op dit moment nie allêne gebruikt om taken uut te voeren mè ok om het gedrag van burgers en de saemenlevieng te sturen. Dat gi zelfs zôvarre da onderwerpen as vleêstaks en sukertaks elke kêr wee opduke.

Werk is eên van de fundamenten van oanze saemenlevieng. Deur te werken krieg je financiële ruimte, sociale contacten en voldoenieng. Je lever een biedraege an de saemenlevieng en deur de ervaerengen die a je opdoet, è je de meugelijk'eid om je brêder te ontwikkelen. Iedereên krieg dezelfde kansen en meugelijk'eden, mè me wete ok goed da nie iedereên kàn werke of in dezelfde maete mag werke. Me kieke mie even vee waerdieng nì werknemers die a praktisch werk doe as nì werknemers die a theoretische werk verrichte.

In de afgelôpe jaeren bin oanze verwachtiengen over werk en de invullieng divan sterk veranderd. Zò verandere me vee meêr van werkgever en me stappe ok vee meêr over nì een nieuw werkgebied. Sinds COVID is 't voe sommige beroepen eêl gewoon eworre om je werk voe een deêl online te doen. De wêreld di a me in werke is veranderd, wîdeur nieuwe beroepen ontstae en ouwe verdwiene. Deur de sterke vergriezing van de saemenlevieng neem de krapte op de arbeidsmart toe. Het is in sommige sectoren eêl moeilijk om an voldoende gekwalificeerd perseneêl te kommen, dat a ok veroorzaakt wor deur een tekort an praktisch opgeleid perseneêl.

Nie alleên betaeld werk is belangriek. We wille da iedere vurm van werk die a biedraegt an oanze saemenlevieng belangriek is. Dirrom wille me da de waerding voe mènes die een actieve biedraege an de maatschappij levere, bv. as mantelzurger, vriewilliger of opvoeder geliek is an de waerdieng voe mènes mie een betaelde baan. Soms zit 't gewoon tegen. Mocht je werkrelatie verandere vanwege omstandigheden, dan krieg je hulp. Lukt het werk dat a je noe doet nie mì? Dan gae me zoeke nì wat a je nog wè kan. En a werke êlemaele nie mì lukt dan zurge me goed voe je.

We draaie de invoerieng van de nieuwe Pensioenwet terug. Het aparte pensioensysteem voe Politieke Ambtsdragers (Appa) wor of'eschaft. Politieke Ambtsdragers worre onderdeel van hetzelfde pensioensysteem as de rest van Nederland. De pensioengerechtigden en pensioendeelnemers kriege invloed op de keuzes die a pensioenfondsen maeke op het gebied van beleggingsdoelen. Wie a gin risico wil lôpe op een laeger pensioen mò kunne kieke voe beleggingsdoelen die a meêr naedruk legge op rendement dan bv. op duurzaamheid.

Iedere dag
BBBeter



Economie

Groas op oanze bedrieven Contant geld, overaol te gebruiken Belastieng is prima, mè wè eêrlijk Ok digitaal, de mènes centraal

Een sterke economie is een economie die a uitgaet van eigen kracht. Me waardere wat a me as land in uus è. Me zette in op diengen di a me goed in bin en ondersteune de sectoren di a me mie vooroplôpe in de wêrld. Een sterke economie is ok noadig om sociaal, cultureel en technologisch bie de tied te bluve en om ontwikkelingszaken betaelbaer te ouwen. Een sterke economie zurg voe werkgelegenheid en inkomsten voe de overheid.

Dit gel aollemille ok voe de voedselsector en ok voe de maekindustrie in oans land. Plekken di a onderduzenden mènes ard an 't werk bin om d'r broad te verdienen. Efficiëntie en innovatie an te jaegen, te importeren en te exporteren en an aolledaegse behoeften te voorzien. Iets di a Nederland te lank een slecht en inconsistent beleid op ei evoerd. Me wille stoppe mie regels op regels en meêr ruimte geve voe ondernemerschap, innovatie en vergroenieng.

Onderneme vin plekke bie bedrieven, van multinationals, groate ondernemiengen, familiebedrieven, MKB'ers toet zzp'ers. Het MKB en de familiebedrieven spele een belangrieke rolle in het sceppe en ouwe van oanze welvaart. Deze ondernemiengen bin verantwoordelijk voe ongeveer 70% van de banen in Nederland. BBB vin da de overheid een beleid mò voere wat a deze ondernemers voe Nederland be'oudt

Vee mènes en bedrieven maeke gebruik van pinbetaelingen en are digitale betaeliengsmeugelijkheden. Mè d'r bluve mènes en bedrieven die a liever contant betaele. Banken bin een belangrieke partner in het tegengaen van financiële criminaliteit, zòas ondermijnieng. Banken motte d'r wettelijke verplichtiengen die a biedraege an 't vermindere van criminaliteit en het ver'ogen van veiligheid naekomme.

De enorme waerdevermindering van oans geld mie dibie ok de gestege kosten voe oans levensonder'oud en de sterk gestege priezen van energie zurge d'r voe da meêr dan een miljoen burgers onder de grens van ermoe terecht ekomme bin. BBB stì voe koôpkrachtbeschermieng en ermoebestrijdieng; me laete gin mènes achter. De belastingen worre op dit moment nie alleêne gebruikt om taken uut te voeren mè ok om het gedrag van burgers en de saemenlevieng te sturen. Dat gi zelfs zòvarre da onderwerpen as vleêstaks en sukertaks elke kêr wee opduke.

Een specifiek Ministerie van Digitaliserieng mò z'n eigen richte op het ontwikkelen van een nieuwe nationale digitale strategie en het coördinere van digitale innovatie over diverse sectoren. Ok mò het ministerie de goeie regels waerborge om de goeie regelgevieng en beleidsmaatregelen voe burgers, bedrieven en infrastructuur te beschermen. Het is van groot belang da de overheid een proactieve rol speel en het sture en vurmgeve van digitale transformatie mie as voornaemste doel de mènes centraal te ouwen en de brugge tussen burger en overheid vee sterker te maeken.

Iedere dag BBBeter



Klimaat

Wie a road stit kan nie groen doe

Mie een groeiende wêreldbevolkieng en mie aolmè meêr economische activiteiten is het klimaat aolmè meêr onder druk komme te staen. Ok a is het klimaat sins het ontstaen van de aerde an autonome verandierieng onderhevig, de mèn's'eid ei zeker ok invloed. Oe groot a die invloed is, di bin verschillende mênienge en onderzoeken over. Vanuut rentmeêsterschap streeft BBB nì een saemenlevieng wibie me, voe zòvarre me d'r invloed op è, en waer, oanze impact op het klimaat beperke.

De groste impact op het klimaat lieke me te veroorzaeken deur oans gebruik van energiebronnen. Een uitdaegieng wan oans leven ei z'n eigen ontwikkeld in een situatie di a me eêl sterk ofhankelijk bin eworre ven externe energiebronnen.

Het klimaat is het geheêl van weersomstandig'eden (temperatuur, wind en neerslag) die a gedurende een bepaalde periode het gebied karakterisere. Dit is grotter dan alleên de CO₂-concentratie (0,03%) in oanze atmosfeer. Noe lig de naedruk vooraol op CO₂-reductie. Van groot belang is da dibie doelstelliengen nest draegvlak ok participatie van de bevolkieng è. Allênig saemen kunne me een verandierieng op gank brienge en toet een succes maeke. Het noadige draegvlak en acceptatie kunne me kriege a beeld vurmieng transparant is en de lusten en de lasten eêrlijk verdeêld worre.

Dibie wege aolle belangen mee en kieke me nì het groate geheêl. Over eêl de wêreld draeg Nederland mè 0,4% bie an de CO₂-uutstoat en oanze CO₂-voetofdruk per inweuner is a vee laeger dan in eêl wat andere (westerse)landen. De energietransitie speel bie het aelen van CO₂-doestelliengen een belangrieke rolle.

De energietransitie vraegt om een Deltaplan. Nieuwe activiteiten zulle motte worre op'ebouwd, twint a are activiteiten worre om- of of'ebouwd. Dit veranderproces vraegt groate investeriengen deur bedrieven, dikkels zulle toenaemes van de priesen die a het gevolg di van bin worre deurbelast an de burger. De burger mò deze lastenverzwaerieng wè kunne bluve draege. Dirrom zette me in op een rechtvaardige verdêlieng van de kosten die a saemengae mie de klimaatmaatregelen.

Voe een biiedraege an het klimaat en het einde van het gebruik van fossiele brandstoffen is het dus van belang da me de transitie nì duurzaeme energie maeke. Twint die transitie zulle me nie mie fossiele energiebonnen stoppe, zòlank a d'r gin betaelbaere duurzaeme alternatieven beschikbaar bin.

De overheid ei de verantwoordelijk'eid om te zurgen voe een goeie infrastructuur, as electriciteitsnet, wi deze aanbieders en ofnemers van energie gebruik van kunne maeke. Dat betêkent da me sterk motte investere in het electriciteitsnet mè ok het netwerk slummer motte gebruke om piekmomenten mie overbelastieng van het net beperke.

BBB streeft nì een saemenlevieng die a gebruik kan bluve maeke van betaelbaere duurzaeme energie wan wie a road stit kan nie groen doe.

Iedere dag BBBeter



Gezondheidszorg

Gin zurgen om je zurg!

Het is twi minuten voe twelve in de zurg. Het zurgstelsel is impersant zò goed as vast'eloape. De marktwerkieng in de zurg ei op'eleverd da zurgbehandeliengen op zich goedkoaper eworre bin. Nae het invoeren van de marktwerkieng bin me wè meêr zurg gi consumeren. D'r is de ofgelôpe jaeren een concentratie bie zurgverzekeraers ontstae. De commercialiserieng van zurginstelliengen mie bie'oarende kostenver'ogende aanbestedingsvoorwaarden, protocollerieng en are administratieve verplichtiengen, zurge da me onder-tussen tegen de grenzen bin op'elôpe.

D'r werke zò zachtjes an meêr mènsen AN de zurg dan IN de zurg. D'nest kan technisch vee meêr en bin d'r aolmè meêr diere medicinen op de mart ekomme die a lank nie aoltied voe genezieng zurge. Deur perseneêlstekort ontstae d'r aolmè meêr gaeten in de zurgverlênieng.

BBB stî voe zurgsystemen wî in a iedereên, ongeacht inkomen of omstandigheden, toegank eit toet zurg en de noadige ulpe kriegt. Oans doel is een zurgsysteem wî in me omzie nî mekare, mie respect en waardig'eid voe elk individu.

In oanze visie stî de mèn (en nie de verzekeraer) in aol z'n bijzonder'eid centraal; de patiënt en de professional. Gin mèn is ommes hetzelfde. Me gelôve in de autonomie van de zurgprofessional en me ver-trouwe in d'r vermogen om de juiste ofwegiengen en keuzes te maeken voe de best meugelijke zurg. Me streve nî een mènsgerichte benaederieng, wibie a me de administratieve lasten toet een minimum wille beperke om de naedruk te leggen op de behoeften van de patiënten. Protocollen bin dî dienstbaer an, mè meuge het gesprek da a git over goeie zurg nie smore.

BBB wil dan ok da rigouereus eschraopt wor in aollerlei bureaucratische systemen die a d'r toe eleid è da een verpleegkundige ongeveer 40% van d'r tied besteedt an papier en wat a één van de redene is wirrom a werknemers de zurg verlaete. Me wille da werke IN de zurg belangrijker wor dan werke AN de zurg.

Een deêl van oanze maetregelen lever geld op, mè een deêl kost op de korte termijn mèer geld. Toch zulle me de kommende vier jaer motte investere in de gezondheidszurg en preventie om in de toekomst juist kosten te kunne bespaere. Dat is gezond verstand.

BBB wil werke an het verbeteren van de gezondheidszurg en dat zulle me doe vanuut vier pijlers:

1. De basiszurg mò dichtbie weze voe iedereên
2. De regie op de zurg kom te liggen bie zurgprofessionals en nie bie beleidsmakers of zurgverzekeraers
3. De zurg mò wee aantrekkelijk worre om in te werke
4. Gezonde leefstijl en sport voe iedereên.

Pandemieën zòas de coronacrisis è groate gevolgen voe oanze saemenlevieng. BBB vin t't belangriek da me lessen trokke uut de anpak van de coronacrisis, zòda me bie de volgende crisis nie dezelfde fouten maeke.

Iedere dag BBBeter



Landbouw & Visserij

Voldoende eten uut eigen land

Voedselzekerheid is voor veel landen in de wereld elke dag opnieuw een zorg. Oans in Nederland is de luxe combinatie van een gematigd zeeklimaat en een vruchtbaare delta. Me bin daarmee één van de meest geschikte streken voor voedselproductie in de wereld. Me is daarmee verantwoordelijkheids toet over oanze grenzen ene. Dat zorgt ervoor dat Nederland internationaal hoge in aanzien stit en oanze landbouw- en visserijsector van sterk strategische waarde is. BBB vin een sterke agrarische- en visserijsector belangrijk. Voor de voedselzekerheid en banen, met ook voor de leefbaarheid van het platteland en de kustgemeenschappen.

BBB vin t't belangrijk dat Nederland kan voorzie in d'r eigen voedselbehoefte, zodat voedsel ook in de toekomst betaalbaar en beschikbaar bluuft. Me exportere veel kennis, innovatie en producten waar a me toegevoegde waarde mee kunne levere. Tegelijkertijd importere me agrarische producten en voedingsmiddelen die a ier minder een natuurlijke oorsprong is. As handelsnatie verzekere me oans deur middel van import en export van voedselzekerheid. Voor oans eigen, met ook voor de landen direct om oans ene, mee veel aandacht voor dierenwelzijn en milieu.

Dat is de reden dat me wille dat voedselzekerheid en leefbaarheid mee gae wege in veranderingen van ruimtegebruik. Noe werke 600.000 mensen in de Nederlandse agrarische sector, wat a betekent dat d'r 12 gezinnen per boer/teler/ tuunder, direct of indirect economisch afhankelijk bin van deze sector. Omdat ze zorge voor boerennatuur, werk, actief bin in het vereniingsleven of d'r land beschikbaar stelle voor dorpsfeesten. Zonder deze mensen is me gin karakteristiek landschap, bloemencorso, visserijdaegen of trekkertrek mi.

Dit betekent ook dat het Nederlandse landschap mee mensen anders onder'ouwe moet worre. BBB erkent het belang van het, dat wi mogelijk, versterke van biodiversiteit. Dit doe me nie deur nieuwe natuurgebieden an te leggen met deur flora en fauna te beheren in juiste aantallen, wat a soms ook betekent dat t'r gin plekke is voor een soort. Me versterke de biodiversiteit ook deur educatie, vergroening van de omgeving en beheer deur middel van jacht. Biodiversiteit is nie alléne een zaak van natuurbeheerders en landbouwers, het is een zaak voor iedereen die verantwoordelijkheid eit voor een deel van de buitenruimte, dus ook in wijken, steden en dorpen.

BBB wil ook de naam visserij terug in het ministerie van LNV. Dit wor dus Ministerie van Landbouw, Natuurbeleid, Visserij en Voedselkwaliteit, mee één minister an het roer. D'r kom wat BBB betreft gin aparte minister voor Stikstof en Natuur. Dit vaol onder de minister van LNVV. BBB wil dat me overstapen van Stikstofbeleid naar Natuurbeleid. De bestaende Stikstofwet moet van tafel en me richte oans mee een wiede blik op natuurbeleid, behoud van natuur en opknappen van natuur wat a dat nodig is. De lockdown vanwege de wurgende stikstofregels die a Nederland z'n eigen opleid eit, van agrarische ondernemers, infrastructurele projecten (o.a. anleg van wegen) en bouw, met zodat vlug mogelijk worre beëindigd. Het ministerie van LNVV richt z'n eigen op behoud van alle elementen van het landschap en zorgt t'r voor dat d'r over 50 jaer nog aaltied petaten, groente, vlees of vis op je bord ligge.

**Iedere dag
BBBeter**



Defensie

Midden in de wèrld, vol daadkracht

Me è een antal decennia van ongekende vrede en veiligheid genote. Me è as het waere het vredesdividend van het einde van de Koude Oorlog geïnd. Vee van oans bin op'egroeie in een land van weinig groate zurgen. Oorlog was iets voe videospellen en bioscoopfilms. Oewel a de realiteit noe lit zie da veiligheid en democratie nie vanzelfsprekend bin. Het wor nie gratis of automatisch egeve.

Een invasie in Oekraïne ei dudelijk emikt oe belangriek een bekwaeme krijgsmacht is voe oanze veiligheid. Me zulle in de toekomst bereid motte weze Nederlandse en/of Westerse kernwaarden en/of grondgebied veilig te stellen en te verdedigen. Dit doe me saemen mie andere, allereêrst binnen de NAVO en EU, mè me zulle ok op eigen initiatief de belangen van Nederland verdedige. Dit leste vraegt, nest saemenwerkieng mie de NAVO-partners, om een constructieve investerieng in de autonomie en slagkracht van het leger.

BBB vin da me in Nederland een robuuste defensieorganisatie motten è die a zelfstandig mè ok in navoverband van betêkenis is. Dì oar voldoende financiëng bie die a constructief en voorspelbaer is voe de lange termijn. Een defensieorganisatie is een organisatie van de langen aesem. Defensie mò in staet weeze om op de bestaende arbeidsmart talent an te trokken. Vanuut dit perspectief vinde me het belangriek da de krijgsmacht meêr zichtbaer is in het land.

De ofgelôpe 25 jaer is t'r over de êle breêdte ekort op het leger. De krump van de defensieorganisatie ei eleid toet centralisatie en relatieve onzichtbaer'eid. Noe a me wee investere is t'r de kans om regionale zichtbaer'eid wee vurm te geven. Een sterke regionale aanwezig'eid geef de krijgsmacht de meugelijk'eid ok regionaal betêkenis te kriegen dî a 't git om rampenbestrijdieng en binnenlandse veiligheid. BBB geloôft in een krachtig professioneel leger dat a over de êle wèrld inzetbaer is. Dînest is t'r ruimte voe een uutgebreide en omvangriek Nationale Reserve: ter verdedigieng van Nederland, voe rampenbestrijdieng en as brugfunctie tussen de saemenlevieng en de krijgsmacht.

Cyber is het nieuwe slagveld a 't ankomt op landsverdedigieng. Aolmè meêr vurmen van oorlog gebeure 'onzichtbaer' of in 'de cloud', in toenemende maete zulle buitenlandse hackers probere zieken'uzen, overheidsdiensten, financiële instelliengen, scholen of militaire installaties plat te leggen. Me motte bereid weze te investeren in technologie en AI om de onzichtbaere kracht te versterken en de onzichtbaere dreigiengen tegen te gaen.

BBB is groas op oanze defensie- en veiligheidsindustrie en elp ze wî a meugelijk om zô de belangen van oanze nationale veiligheid optimaal te beschermen en dimie het Nederlandse bedrijfsleven goeie kansen te geven.

Veteranen verdiene oanze collectieve waerderieng, respect en noadzakelijke zorg. Mie invoerieng van de Veteranenwet en het Veteranenbesluit bin de eêste stappen ezet om waerderieng, respect en zorg te borgen.

Iedere dag BBBeter



Veiligheid

Veiligheid voe iedere wijk en durp Criminaliteit mag nie loane

Een leefbaer Nederland vraegt om een veilige rechtstaat. De rechtsorde mò burgers de zeker'eid geve van een eêrljke behandeljeng en een goed functionerende rechtspraak en een overheid die a burgers beschermt tegen vandalisme, criminaliteit en ondermijnieng. De burger verwacht een effectieve en maatschappelijk betrokke politieorganisatie en een zorgvuldig Openbaer Ministerie dat a werk mikt van opsporieng en vervolgieng van persoanen en bedrieven die a de rechtsorde an ilder laeze lappe.

Ondertussen ken Nederland zòvee wetten en regels da het land an het vastlôpen is. De beroepsbevolkieng is nie groot genoeg om deze aollemille nae te leven en te handhaven. En ondertussen werke aolmè meêr mênzen an de controle van het primaire proces twint a di te weinig mênzen in werke. Het uitgangspunt da de burger de wet oar te kennen, is zò lankzaemerand belachelijk eworre. Rechters kunne de oeveelheid zaken nie mir an. D'r mò rigoueus eschraapt gî worre in de wetten en regels wibie de desbetreffende minister uiteindelijk een knoôp deur'akt wanneêr een beroepsgroep d'r zelf nie uitkomt. De ofgelôpe jaeren is ebleke da dat noadig is.

De veiligheidsdiensten en de pelisie è het unieke mandaat in de rechtsstaat op te sporen en de handhaven. BBB vin dat t'r meêr geïnvesteerd kan worre om deze pelisie en veiligheidsdiensten dichter bie de burger te briengen. Dat vraeg meêr regionale inzet. De maatschappij is de leste jaeren ver'ard en wî a de geüniformeerde diensten de burger bescherme mag de rechtsorde de geüniformeerde dienst beter bescherme. Deze beschromieng mò een wettelijk kader è, mè ok op het persoonlijke vlak verdiene uniformdiensten meêr aandacht en steun.

De brandweer is een belangriek onderdeêl van de veiligheidsorganisatie en deze is voe de saemenlevieng allênig betaelbaer a me de inzet van vriewilligers meugelijk maeke. Deur de energietransitie è me in Nederland te maeken mie elektra, accu's en de opkomst van waeterstof. De rolle van de brandweer wor dus belangrieker, zòwè bie het voorbereiden van bouwplannen as bie het bestrijden van calamiteiten. Zeker in de durpen en regio's vervulle vee brandweerkorpsen nest een veiligheidsfunctie, ok een sociale functie voe de gemeênschap. Deze maatschappelijke betrokken'eid wille me versterke.

Oanze saemenlevieng wor in toenemende maete ondermijnd vanuut de drugscriminaliteit. Het onvoldoende bestrijden van harddrugsgebruuk in de steden brieng criminele drugsnetwerken te weeg op het platteland. Me stae voe een arde anpak van georganiseerde (drugs)criminaliteit om oanze saemenlevieng veiliger te maeken en criminele netwerken te bestrijden. Het risico op ondermijnieng, de onderwêreld die a de bovenwêreld overneemt, rechtvaardigt forse ingrepen. Nederland za gin narcostaat worre.

Strafmaete is an de êne kant een belangriek instrument in de afschrikkieng van criminaliteit en an de are kant een instrument om de saemenlevieng te beschermen tegen individuen die a 't mie de wet en het recht nie aol te nauwe neme. Wat a BBB betreft scherpe me ier en daer de strafmaete an mie de bedoelieng meêr recht te doen an maatschappelijke waerden.

Iedere dag BBBeter



Betrouwbaere overheid

De overheid is t'r voe de burgers en nie andersom

De effectiviteit van landsbestuur is sterk afhankelijk van het vertrouwen dat a burgers in dat bestuur è. Me è ier een behoorlijke uitdagieng mie mekare. BBB ei een voorkeur voe een efficiënte overheid die z'n eigen richt op de kerntaken en erkent da de saemenlevieng nie maekbaar is. De overheid stì ten dienste van d'r burgers en nie andersom.

De overheid is van oans aollemille en het vertrouwen in de overheid wor sterk beïnvloed deur de maete wi in me oans in de overheid herkenne. Da me dezelfde identiteit en dezelfde taal è is essentieel om mekare te kunne begriepen. BBB vin 't belangriek da iedereên een plekke bie de overheid kan inneme en da dideur iedereên z'n eigen ok herkent in de overheid.

Een leefbaere saemenlevieng mikt een overheid nie allêne. Die wor emikt deur de mênzen die a d'r in weune, de overheid is allêne mè regisseur. Om die rolle goed te kunne vervulle motte mênzen in de steden, regio's, durpen en kernen betrokke worre in de voorbereidieng en uitvoerieng van beleid. Wat BBB betreft minder centraal en meêr regionaal en dicht bie de mênzen. Ok vanuut de regio mò 't meugelijk weze de wetgevieng te initiëren of voor te stellen.

BBB vin dat de overheid die democratie mò versterke deur een verbrêdieng en verdiepieng van de inspraek van burgers op lokaal niveau. Democratie is nie allênig stemme, mè ok biedraege deur bevoorbeeld het dêlen van ervarieng en het geven van advies. Democratie vraeg om transparantie in besluitvurmieng en dus een open overheid.

Goed bestuur betêkent ok evenwichtig bestuur en evenwichtige inzet van middelen. De ofgelôpe jaeren is t'r in sommige regio's eêl vee geïnvesteerd en in are eêl weinig. BBB pleit ervoe om dit beleid te veranderen zòda elke regio wee telt. Dìbie ei de overheid ôge voe langjaerige saemenwerkieng agenda's tussen Rijk en regio en neem ze belemmeriengen in grensregio's wig.

Me leve in een rechtstaat mie een constitutionele monarchie en parlementaire democratie. De beschermieng van grondrechten stì an de basis van oanze saemenlevieng en vurmt de basis voe de rechtsorde. BBB wil meêr respect voe de scheidieng van de wetgevende, uitvoerende en rechtsprekende macht. Het goed functioneren van de Eerste Kamer en de Tweede Kamer is een voorwaerde voe een goed functionerende overheid en een betrouwbaere uitvoerieng van de rechtsorde. BBB wil de verbindieng tussen burgers en parlement verbeterde en de controlerende rolle van de Tweede Kamer en de Eerste Kamer versterke.

BBB kiest èëndudig voe de saemenlevieng. Nederland besti nie enkel uut individuen en de staat, mè ok uut gemeenschappen en een levendig middenveld.

Iedere dag BBBeter



BOERBURGERBEWEGING.NL